



SIPA presjekla ustaljeni lanac krijumčarenja ljudi

Prebacivanjem Turaka preko granice zaradili 20.000 eura

Uhapšeni E. M. (37), E. M. (22), N. S. (45), Z. O. (45), S. M. (25) i D. Z. (39), koji se terete za organizirani kriminal

Postupajući prema naredbama Suda BiH i Tužilaštva BiH, pripadnici Državne agencije za istrage i zaštitu (SIPA) jučer su ujutro na području Tuzlanskog kantona u akciji kodnog naziva "Road" uhapsili šest osoba zbog krijumčarenja imigranata, dok se za dvojicom osumnjičenih još traga.

Imovinska korist

Uhapšeni su E. M. (37), E. M. (22), N. S. (45), Z. O. (45), S. M. (25) i D. Z. (39), koji se terete za organizirani kriminal u vezi s krivičnim djelom trgovina ljudima.

Akcija je izvedena na području općina Srebrenik i Gradačac, a riječ je o osobama koje su se duže vrijeme bavile krijumčarenjem ljudi iz azijskih i afričkih zemalja, koji su preko Turske dolazi-



Prebacili najmanje 11 osoba

li u BiH. Konkretno, osumnjičeni su od septembra do novembra 2012. godine iz BiH u Njemačku ilegalno prebacili najmanje 11 Turaka, od čega su ostvarili protivpravnu imovinsku korist od 20.000 eura. Uhapšeni su jučer oko 12 sati dovezeni u prostorije Regionalnog centra SIPA-e u Tuzli, gdje su saslušani. Izvori "Dnevnog avaza" sa područja Srebrenika tvrde da je prebacivanje stranih državljana u zemlje Zapadne Evrope godinama bio vrlo unosan biznis švercera iz Srebrenika i Gradačca, koji su u hodačnim rutama prebacivali strance preko rijeke Save u Hrvatsku, a potom dalje, prema za-

padnim zemljama. Koliko su se dugo uhapšeni bavili ilegalnim prebacivanjem stranaca u zapadne zemlje, još nije utvrđeno.

Zapadne zemlje

Najnoviji slučaj krijumčarenja rasvijetljen je nakon prošlogodišnjeg hapšenja Sedineta Karića iz Srebrenika. Saznajemo da su uhapšeni uglavnom bili vezani uz pijacu na Porebricama te da je 11 državljana Turske, za čije se ilegalno prebacivanje terete, mali broj u odnosu na stvarni broj ljudi koji su njihovim vezama otpremljeni u Italiju, Švicarsku i Njemačku.

A. HADŽIĆ